

PSB - Bahagian Arkib

From: Unit Komunikasi Korporat
Sent: Tuesday, 5 September, 2017 1:25 PM
To: UUM - All Staff; UUMstudentgroup
Cc: Staf - Pesara UUM
Subject: UUM Jadi Pilihan 4,957 Pelajar Baharu Sesi Pertama 2017/2018



Unit Komunikasi Korporat
CORPORATE COMMUNICATION UNIT
Universiti Utara Malaysia



5 SEPTEMBER 2017 / 14 ZULHIJAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

UUM JADI PILIHAN 4,957 PELAJAR BAHARU SESI PERTAMA 2017/2018



UUM ONLINE: Universiti Utara Malaysia (UUM) terus menjadi pilihan untuk melanjutkan pengajian apabila seramai 4,957 pelajar baharu Sesi Pertama 2017/2018 mula mendaftar bagi mengikuti 36 program pengajian Sarjana Muda yang ditawarkan mulai hari ini.

Timbalan Naib Canselor (Hal Ehwal Pelajar dan Alumni), Prof Dr Abdul Malek Abdul Karim berkata, pelajar tersebut merupakan calon lulusan Sijil Tinggi Persekolahan Malaysia (STPM), Diploma, Matrikulasi, Asasi Pengurusan UUM dan Sijil Tinggi Agama Malaysia (STAM) termasuk pelajar antarabangsa yang akan mengikuti pengajian Sarjana Muda dan Dual Degree (Ijazah Berganda).

Menurutnya, daripada jumlah itu, 74 peratus (3,656) merupakan pelajar perempuan dan 26 peratus lagi (1,301) adalah pelajar lelaki.

"Mengikut pecahan pelajar tempatan adalah seramai 4,446 terdiri daripada ambilan UPU (4,047), Asasi Pengurusan UUM (186), Program Khas B40 (190) dan pelajar mobiliti seramai 23, manakala pelajar antarabangsa adalah seramai 511 meliputi 178 pelajar peringkat Sarjana Muda dari 19 negara, diikuti 295 pelajar mobiliti dan 38 pelajar Dual Degree dari Universitas Padang, Indonesia.

"Pengambilan pelajar pada tahun ini juga menunjukkan peningkatan termasuk pelajar antarabangsa dengan peningkatan antara dua hingga tiga peratus dan jumlah pelajar tertinggi adalah dari negara China (247), Indonesia (172) dan Yemen (23)," ujarnya.

Kata beliau lagi, jumlah Purata Markah Keseluruhan (PMK) kemasukan calon pada tahun ini adalah 3.42 dan tiga program mencatatkan purata PMK kemasukan tertinggi iaitu Sarjana Muda Perakaunan (Sistem Maklumat) dengan Kepujian dan Sarjana Muda Perakaunan dengan Kepujian (3.93), manakala Sarjana Muda Undang-Undang dengan Kepujian mencatat purata sebanyak 3.80.

Selain itu, tambahnya, program Sarjana Muda Perakaunan dengan Kepujian menerima kemasukan terbesar seramai 306 pelajar, diikuti Sarjana Muda Pentadbiran Perniagaan dengan Kepujian (299) dan Sarjana Muda Sains Ekonomi dengan Kepujian (290).

"Daripada bilangan 306 pelajar yang mengikuti program Sarjana Muda Perakaunan ini, 116 merupakan pelajar yang mencatatkan purata PMK 4.00.

"Universiti juga turut menerima kemasukan lima pelajar Orang Kelainan Upaya (OKU) dan dua pelajar Orang Asli. Bagi memudahkan sesi pembelajaran pelajar OKU ini pula, pihak universiti telah menyediakan kemudahan baharu seperti van OKU yang lebih selesa dan canggih, selain kemudahan asrama dan fasiliti lain termasuk di dewan kuliah yang mesra OKU," katanya.

Prof Dr Abdul Malek berkata, dengan kemudahan lengkap yang disediakan, UUM terus menjadi pilihan pertama pelajar untuk melanjutkan pengajian mereka kerana UUM sudah tersenarai dalam beberapa ranking dunia dan memperoleh akreditasi antarabangsa seperti AACSB.

Sehingga 30 Ogos lalu, UUM mempunyai pelajar seramai 28,025 bagi peringkat pengajian siswazah dan 5,601 adalah pelajar pasca siswazah.

